

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 401746 21 St
Tuzla, 29.07.2021. godine

OPĆINSKI SUD U TUZLI, sudija Arnaut Faruku, u stečajnom postupku nad stečajnim dužnikom „KALE- POLOVNA ROBA“ d.o.o. Lukavac, ul. Milerova br.2., Lukavac, „KALE -POLOVNA ROBA“ d.o.o. Lukavac Podružnica br. 1. Lukavac, odlučujući o prijedlogu za otvaranje stečajnog postupka, nakon održanog ročišta dana 29.07.2021. godine, istog dana donio je sljedeće:

R J E Š E N J E

Nalaže se predlagачu „KALE- POLOVNA ROBA“ d.o.o. Lukavac, ul. Milerova br.2., Lukavac, da u roku od 15 dana od dana prijema rješenja na depozitni račun ovog suda broj: 132-1000-3091233-91 kod NLB banka d.d. Sarajevo uplati iznos od 4.000,00 KM na ime predujma troškova prethodnog postupka uz naznaku broja predmeta u uplatnici, te da po izvršenoj uplati sudu dostavi uplatnicu, kao dokaz da je uplata izvršena.

Ukoliko podnosilac prijedloga za pokretanje stečajnog postupka u ostavljenom roku ne postupi po nalogu suda iz stava 1. tačka 1. rješenja, sud će prijedlog za pokretanje stečajnog postupka odbaciti primjenom odredbe člana 60. stav 1. i 2. Zakona o stečaju F BiH.

O b r a z l o ž e n j e

Dana 27.05.2021. godine sud je primio Prijedlog za pokretanje stečajnog postupka od strane direktora društva „KALE- POLOVNA ROBA“ d.o.o. Lukavac, ul. Milerova br.2., Lukavac iz razloga platežne nesposobnosti. Dana 29.07.2020. godine sud je održao ročište na kojem je zakonski zastupnik izjavio da ostaje kod prijedloga za otvaranje stečajnog postupka.

U postupku ocjene osnovanosti prijedloga za pokretanje stečajnog postupka, sud je zaključka da je neophodno provesti prethodni postupak kako bi mogao odlučiti o osnovanosti prijedloga. Imajući u vidu da nisu ispunjeni uslovi za direktno otvaranje stečajnog postupka određeni članom 103. Zakona o stečaju F BiH, neophodno je temeljem odredbe člana 60. istog zakona predujmiti novčana sredstva za finansiranje prethodnog postupka radi ispitivanja uslova za otvaranje stečajnog postupka.

Prilikom određivanja visine novčanih sredstava koja je neophodno predujmiti na ime otvaranja prethodnog postupka, sud se rukovodio činjenicom da se iz tih sredstava finansiraju svi troškovi koji mogu nastati u toku prethodnog postupka, kao što su: nagrada privremenom stečajnom upravniku, troškovi privremenog stečajnog upravnika, nagrada i troškovi eventualnim vještacima, objavljivanje rješenja u „Službenim novinama“, kao i eventualni troškovi izdavanja i objavljivanja mjera obezbjeđenja, nepredviđeno dugog trajanje prethodnog postupka iz razloga na koje ne može uticati sud niti predlagач, te činjenice da bi eventualno bilo neophodno angažirati lica za zaštitu imovine i kontrolu imovine budućeg stečajnog dužnika.

Shodno navedenom, sud je u smislu odredbe člana 6. stav 1., 2. i 3., te člana 58. stav 1. i 2. i člana 60. stav 1. i 2. Zakona o stečaju F BiH, odlučio kao u dispozitivu ovog rješenja.

SUDIJA
Faruk Arnaut

POUKA:
Protiv ovog rješenja nije dozvoljena posebna žalba.